

24 SEPTEMBRIE
RUGACIUNEA 1
SF.MUCENITE
TECLA DE LA ICONIUM

Молитва

О райский цвете целомудрия, о мученице
первейшая Завета Новаго, о Фекло, невесто
Христова равноангельная, страдания
очищенная и проповедию апостольскою
напоенная, чистоты крине осиянный, подвиги
многими процветый и чудесы преславными
облагоухай!

Кому уподобим тебе, богозванная, всякое
душепагубное прельщение поправшая, Духа
Святаго исполнь сосуде, премудрости кладезю,
цельбы источниче, иже всякия страсти пламень
остужай! Яко облак светлый, прииди и омой
нас дождем молитвы твоея от скверн душевных
и телесных. Якоже огонь любви разжженный,
уцеломудри сердца наша и воспламени я ко
Христу любовью. Яко знамение мужества в
страданиях непреклоннаго, укрепи колеблемая
сердца наша спасительною силою Креста
Господня; яко крепкая поборнице наша противу
выну враждующих на ны, немощныя, буди нам

щит огнезрачный необорим, да бежат от нас безстуднии демони, опаляемии твоими молитвами, да телеса наша яко храмы Святаго Духа будут. Ей, Фекло, добродеево премудрая, отврати очи наша от похотей мира сего, да обручимся Христу непорочною совестью; исполни светильницы наша елеом целомудрия, зане тяжце согрешили есмы, верности Жениху Христу не сохранивше, и сего ради Чертога Брачнаго вне затворитися имамы. Обаче не отрини чада твоя, тебе молящаяся, но, яко благосердая помощнице, облеку ны в ризы яже о вере крепости, препояши чресла наша чистотою во умерщвление страстей и обновление духа; паче же и души наша кротостию и смирением украси, да яко чада Божии, якоже агнцы и овчата Христовы невозбранно пройдем искушения нечестиваго мира сего, и вожденнаго Чертога Райскаго да достигнем, идеже вся мудрыя девы Престолу Жениха Христа предстоят, воспевающе достопокланяемое Имя Отца, и С ына, и Святаго Духа, ныне и в безконечныя веки. Аминь.